



Knud Kristensen og Gerhardt Petersen
Medlemmer af Inatsisartut
/her

Inatsisartut suleriaasianni § 37, imm. 1 naapertorlugu Royal Arctic Line A/S-ip
assartuinnermut akinik qaffaanissamik ilimasaarinerana pillugu Naalakkersuisunut apeqqut
normu 261 nassiupparsi

Apeqqutissinnut qujanaq. Ataasiakkaarlugit ataani akineqassapput.

15-01-2014
Sags nr. 2014-094172
Dok. nr. 1448018

Postboks 1160
Tlf: 34 50 00
Fax: 34 55 05
3900 Nuuk
Email: pan@nanoq.gl
www.naalakkersuisut.gl

**1. Assartuinnermut akit qanoq annertutigisumik qaffanneqassasut
qinnuteqaatigineqarpa?**

Royal Arctic Line A/S februaarip aallaqqaataani atuutilersussamik assartuinnermut akinik
10 %-imik qaffaanissamik Naalakkersuisunut qinnuteqaammik nassitsivoq.
Assartuinnermut akit Januarip aallaqqaataata 2009 kingorna
allanngortinneqarnikuunngillat.

Kisiannili nassiussanut akit appasinnerpaaffissaat inuinnaat annikitsunik nassitsineranni
atorneqarajuttartoq ilaatinneqanngilaq. Naatsorsuutini tamarmiusuni akit
appasinnerpaaffissaat RAL-imut annertungaannigilaq, nunatsinnili innuttaasunut
ataasiakkaanut pingaaruteqartorujussuuvoq. Taamaalilluni Royal Arctic
Bygdeservicekkut akit appasinnerpaaffissaat atorlugu nassiussat 46 %-iupput, RAL-ilu
aqutigalugu nassiussat 23 %-eralugu.

**2. Assartuinnermut akit qaffanneqarnissaat pinngitsoortinniarlugu
ingerlatseqatigiiffiup nammineq sipaarniuteqarniarluni
iliuseqarsimava? Taamaassimappat qanoq sipaarniartoqarsimava?**

RAL-ip suliffeqarfimmi naammassiuminarsaasimanera pissutigalugu
nassiussanut akit maannamut qaffannissaat pinngitsoortinneqarsinnaasivoq.¹

¹INunaqarfinnut pilersuinnermi umiarsuit nutaat atorneqalersussat aningaasalersorneqarnissaannut
tapersiissutissamik RAL-ip Namminersorlutik Oqartussat sinnerlugit akilersittagaanic
aningaasaliissuteqarnermut tapersiissutit Namminersorlutik Oqartussat 2011-mi
atuutilersitsipput. Umiarsuit maannakkut atorneqartut atorneqarsinnaajunnaangajalermata
pisariaqartumik aningaasaliisoqartariaqarpoq. RAL aammattaaq januaarip aallaqqaatani 2013-
imiit MRN-imut akiliummik atuutilersitsivoq. Taanna tassaavoq akitsuutiniq nalunaarsuinnermut
akiliut, EU-mit RAL-imut junimi 2012-ilimi akiligassanngortinneqartoq. Aningaasaliinnermut
tapersiissutit imaluunniit MRN-imut akiliut RAL-ip ingerlatsinerani pisariaqartumik
aningaasaliinerani ilaannngillat, tassa umiarsuit maannakkut atorneqarsinnaajunnaangajalermata.

2014-imi pilersaarutaavoq RAL-ip suliffeqarfiullu suliffeqarfiit pigisaanni naammassiuminarsaaqqittoqassasoq pisariillisaasoqaqqissasorlu.

3. Assartuinnermut akit qaffanneqassappata nioqqutissanut aammalu inuussutissarsiluteqartunut qanoq sunniuteqassanersoq naatsorsuisitsosoqarpa?

Assartuinnermut akit qaffanneqarnerani sunniutissanik suli nalilersuisoqarnikuunngilaq. Namminersorlutik Oqartussalli allaffissuanni assartuinnermut akit qaffanneqarneranni sunniutaasinnaasunik aammalu assartuinnermi akit maannakkut qaffasissusiat ingerlatiinnarneqarpat sunniutaasinnaasunik maannakkut nalilersuisoqarpoq.


4. Qinnuteqaatigineqartoq pillugu Naalakkersuisut qanoq isummerpat?

Assartuinnermut akit qaffanneqarnissaannik RAL-ip qinnuteqaataata suliarineqarnera suli naammassinngilaq. Taamaammat qinnuteqaat Naalakkersuisut inaarutaasumik isummerfiginikuunngilaat.

5. Royal Arctic Line A/S-ip aningaasatigut najummatsisimanartorsiortutut inissisimanagera pillugu Naalakkersuisut sunik allanik ilisimatitsissuteqarsinnaappat?

Qinnuteqaatip suliarineqarnera aatsaat naammassippat Naalakkersuisut annertunerusunik paasissutissiisinnaapput.

Inussiarnersumik inuulluaqqusillunga
Med venlig hilsen


Steen Lyngé